

# Nuorttanaste

„Mutto go si oidne neste, de sadde  
si illoi.“

„Son (Jesus) læ dat ēuvggis iddedes  
guovsonaste.“

Nr. 4.

»Nuorttanaste« maksa ovta kruvna jakko-dagast, bladde dinggujuvvu juokke poasta-rappe bokte.

28. Februar 1914.

»Nuorttanaste« olgsboatta guovte gærde manost — dam 15ad ja dam 30ad bæive juokke manost.

## Boattago Jesus farga?

Mon boadam farga. Doala gidda dast, mi dust læ amas oktage valddet du kruvno. Alm. 3,11.

Daid sanid sarnoi Jesus apostal Johannessi su almostusastes. Go mi jurdašep ciegŋalebbut dušše dam golbma vuostas sane, maid Jesus dast læ sardnom, de berrik mi duottavyuoddast, ja jos Vuoigŋa bæssa almostuttet dam migjidi, valddet væra daina sanin. Dušše dam golma sanest læ stuora ja havskes sistdoallo, havskes sistdoallo, ja hærvæs jedditus Ibmel manaidi, mutto ballon ja gæččalussan mailme manaidi. Buok Jesus sanek læk mavsolaža su vallijuvvumidi, dam vuostas bælest mutto buok Jesusa sanek loek duobmen ja vera tæbmen mailbmai daihe bærgalakki. Ja i ucce musa daina sanin.

Algomusast su almostusast cækka Jesus, atte son boatta farga; mutto loapast manemuš kaptalest gærdoda su golma gærde gærdo: Mon boadam farga. Go Jesus nuft gærdota daid sanid dø galgap mi ainas muittet ja ja diettet, atte dat læ okta stuora varritus övtain sanin cækket. I goit Jesus darbaſifče gærdatet dam maid son ovta gærde læ cæk-kam dastgo son satta doallat su sanes. Atte son nuft dayja gærdata daid sanid, boatta vissasit dast atte son datto prentedet dam min vaimoi sisa son datto, atte mi erinoamačet galgap mærka-set daid sanid ja i dušše mærka-

set mutto alelassi adnet daid mui-tost.

Sæmma aige go dak Jesusa sanek. „Mon boadam farga“ læk mavsolaža ja divrrasak, læk dak maid stuora jeđđitussan ja illon migjidi, gæk Ibmel armo Jesus jabmem bokte læp ožžom dam stuora oasalašvuoda, atte arbbet alme audogasvuoda. Man hærvæs boatteraigge! Min riytes sida i læk dam suddolas mailmest, ja dat læ buorre diettet.

Mutto Jesus cækka vela vidasebbut dam sæmma værsast, maid mi maidai galgap vuttivalldet, atte juokkehaš gutte læ ožžom oasalašvuoda su audogasvuodast galgga dast giddadoallat. i masset dam, i eritgaiddat Ibmel særvve-vuodast; dastgo daggo bokte boatta son masset maidai dam kruvno, maid Jesus læ oamastam sud-nji.

Vare dak moadde sane væketifci buok Ibmel manaid ja vejolažat soames sevnjudattum sielo oaid-net darbaſlašvuoda daina sanin. Mi darbašep dam varalaš aige siste æmbo ja æmbo boattet vuoinalaš dingai mavsolašvuoda sisa, jos, mi æp galga guossalet ja erit-gæččat Jesus særvvevuodast. Vad-dos ja vaſalažak læk ollok. Dam-diti bajed du muodoid bajas almi vuosta ja ale vaiba vuorddemest su, gutte farga boatta. „Læge gærvæs, goce siello; Jesus boatta ja son i dajo. Gito rakes Jesus, atte don boadak farga.“

Ovla Hændarak.

## Mi læ Ibmel særvvegodde?

(Čali Ole Fors Oldervik Altenfjord)

(Loappa).

De dalle nabbo læ dam Ibmel særvve goddest guokte oase vuttivalldet: Vuostačin ſaddap mi dam Ibmela særvvegoddest vanhurskesen dakkujuvvut, ja nubbad assihærvæsen dakkujuvvut, ja dat dapatuva čada ruosa ja gillamušaid maidtaga mi æp eisege mæte boattet hærvæsvutti albmai. Dat sadne basse ruossa læ gal gæppas dagjat; mutto guoddet dam i læk nuft gæppas: dastgo dam mioainet dam buorre ja sivo olbmu ouddamærkast — namalassi Simon Syrenalaš — gæn Judalažak naggijegje guoddet ruosa Jesus ma-ñest (Mat. 27,32). Dat læ dat dæddo maid mailbnieadda migjidi, gæk Kristusa aiggop ēuovvot, dat læ higjadus ja bilkkadus j. n. v. Dat læ lossad min lossa ja bačča lunddoi. Ja i dušše dat; mutto vela ječasbiettalæbme, go olmuš fertte russi navllet ja jametet dam boares olbmu bæivalaš gata-mušai ja buoradusa bokte.

Dam-diti læ Ibmel ferttim rakadet daggar arbmo valddegodde min gaski, man siste son dik-šo ja appasmatta min dam armo sane bokte mi ēuogja nuft: Læge dorvolaš vielljam ja oabbam du suddok læk dudnji andagassi ad-dujuvvum Jesus Kristus nama ja varai bokte! Osko dam vielljam, de dust læ dat maid sanek celkek! Gæčadeket dal dast, mi læ Ibmela valddegodde ædnam alde, dat

i læk mikkege æra go arbmo ja suddoi andagassi addujubme, maid Ibmel su sanes bokte dakka, ja su Bassevuognja mi læ golgatuvum sin vaimoidi dam sanæ bokte maid si gullek ja oskot. Damditi i læk dam Ibmela valddegoddest i mikkege geðid daihe mittoid, maid maidai evangelium sanek hærvasek čilggijek Mattæus luttekap. 18,27, gost Biettar jærra Kristusest: Hærra man davja gallam mon andagassi addet mu vieljasam, gutte suddod mu vuostai? — Jogo čiečagærde? Jesus vastidi sudnji: Mon cælkam dudnji: Ik dusse čieča gørde; mutto čiečaloge gørde čiečagærde: dat læ nuft davjago dat darbašuvvu. — — — Mi oaidnep dast Ibmel dato, atte mi galggap obba vaimostæmek andagassi addet alloset min lagamužžuidasamek sin suddoid, dainago Ibmel andagassi adda min suddoid nuft ædnag lokkamættom gærdid. Min suddovælgge læ nuft stuores, atte dat læ vægjemættos rudai-guim makset. Dasa darbašuvvu æmbo go buok gonagasai ja kæisari fabmo, mutto gæča dam hærvæs valddegodde, gost Ibmel arbmo ja hærvasuotta čuovgga ja baitta. Dat læ æmbo go golle ja silbba ja buok æra maysolaš-vuotta ædnam alde. Dam birra sardnu Biettar su vuostasgirjest 18—19 værsast: „Epet di læp nokkavaš ominguim silbain daihe gollin honestuvvum j. n. v.; mutto Kristus maysolaš varaiguim nuftgo mainetas ja vietet labba varai-guim.“

Suddoid andagassi addujume valddegoddin læ obba bassečala dievva, nuft atte Kristusa rika ja su valddegodde olla, ja su raddijubme ovta gæčest mailmest nubbe gæčai, nuftgo David čalla Sal-mast 72,8: „Son galgga raddet ovta abest nubbe abe ragjai, ja dano rajest gidda ædnam ravidai ragjai.“ ja fastain 11 værsast: „Buok bakkenak galggek su balv-valet.“ Guoratala olles dam salma kristus valddegodde birra. Sæmma lakai duodašta maidai engel Gabriel niedda Marjai: „Ibuel Hærra galgga addet sudnji Daved su Ačes truvno ja son galgga læt

gonagas Jakob vieso bagjel aga-lažat ja i galga læt loappa su gonagas rikast.“ (Luk. 1,32 j. n. v.)

Gæča dal, čallagak čilggijek čielggaset buok, mi Kristus valddegodde læ ja mi dam fabmo ja duogje lœ, atte dat læ okta nok-kamættom armo ja suddoi anda-gassi addejume rika, mast i læk mœre ige mitto. Dam læk guora-tallam dak rakis profetak juo oud-dal sin aigeset siste, go si Basse-vuoja siste gæčadegje Kristus rika, most dat galgga sallases vald-det ja fatmastet buok olmuš soga ædnam alde. Dam læk gæčadam buok min rakis apostalak ja girkko vanhemak buok višsalvuodain ja dutkam daid, maid mi čielggaset dal oaidnet buok girkovan-he-mid ja apostalaš čallagid siste, most Kristus girkko læ čiñatuv-vum bæivačin, ja manno su julgi vuolde, mi læk ærago Kristus su sanes siste, mi čuovgga ja baitta su hærvasuodaines ja armoines su valddegoddestes, gost olbmu jierbme lœ fangganvaldujuvvum osko jegolašvuoda vuollai. — —

Nuft čiegŋal læ dat arbmo mi dain valddegoddest lœ, atte i ole mu njuovča dam sardnot ja ucceb vela mu penna dam čallet, go mon gæčadam dam armo sisä mi min læ riggesen dakkam Kris-tus siste, mi vaivanek gudek leimek vugjum suddo ja bærgalaga valddegoddai sikke rubmašin ja sieloin, massam buok min mavso-davveræmek, namalassi sielo audo-gasvuoda; mutto dal læp mi fast gavdnam dam davvera Kristus valddegoddest, maid jæra olmuš i mate arvvedet ja manditi son vær-rana, go gulla suddoi andagassi addujume sardneduvvumen, mi gal læ visesvuttan sigjidi gudek oskot, mutto dæidi jierbmalažaidi ja bu-rid olbmuidi fast jallavuottan, vær-ranussan ja higjadussan, gæk gæ-čadet dam nuftgo Faresealažak, atte dat læ Ibmel bilkkadus (Mat. 9,1—8).

Addašik dal Ibmelam migjidi buokuidi dam armo atte mi nuft oskot. Amen!

\*  
Dærvuodak buok blade lok-kedi.

Ole Fors.

## Brævak.

### Korsfjorast.

Bivdam saje dam moadde sadnai!

Mon læm juovllabasid jottam Altast, namalassi Ræšvuonast, ja gal dobbe læi nuft havske, go Ibmel min oappaladdai vuoinaines ja gavnai nuft ollo suddolažai, gudek darbašegje dakkat buoradusa. Havske læi oaidnet go nuorra barnek ja nieidak æi šat loaktam aige dam mailme havskodagai siste; mutto gavdne buorebuore ja rakkasebbun illodet Ibmel manai-guim. Daggar juovlak legje havske, go nuft ollo nuorak ja boar-rasak moridegje bajas dam suddo lossis nakkar siste. Logo mon im diede mutto ædnagak dak goit legje, gudek botte osko sisa.

Damditi rakis vieljaidam ja oabbaidam ravim mon din atte mi galggap rokkadallat dai nuora manai oudast, atte Ibmel ačče gutte læ algatam dam sin siste bisotifči gidda Kristus bæive ragjai — gidda jabmem ragjai. Jos mi æp biso loppi, de mi æp oažo ællem kruvno.

Ravvim buok „Nuorttanaste“ lokki atte vela gilvotallat ovta ucca boddos! Gal vegjek min bæivek farga nokkat, damditi rakis osko vieljak ja oabbak, barg-gop vissalvuodain, barggop oudast guvllui buok vaddoid ja vaivid ča-da. Ibmel lœ gievrra. gutte læ loppedam læt su manades mielde gidda mailme loapa ragjai.

Gitam din rakis ustebak dam vaimolaš rakisuoda oudast, maid di lepet čajetam mu vuostai gost mon læm jottam. — Ollo dær-vuodak buok „Nuorttanaste“ lok-kedi ja æra vieljaidi ja oabbai-di.

Vieljalažat.  
N. P. Garggo.

### Tanast.

Buorre redaktøra!

Bivdam saje dam moadde sadnai, ja avčom daggobokte buok Same us

tebid viissalet doallat dñm min aidno Samegiel blaðe, mi olgusboatta guovte gérde manost. Mi galgašimek læk gittevažak, go jobe oktage samebladde boatta min aednegilli.

Mannet dal poastarappe lusa ja dinggujeket blaðe!

Min birrasin læk dal nokkam dat dielkkotyfus mi læk olbmuid buocatam ja ollo morraš buktam olbmuid bøgjeli — erinoamačet min lakkasin, — ja i dat gal læk ærigo Ibmel risse olbmuidi, go mi læk ječa nuft ibmel-mættoinak ja gažgarak Ibmel vuostai. — Dat lassarett, mi hei asatvvum dam davddi, gæppedi ollo dñm davda vaiko dobbe gal i lær gullat ørago garrodus, Ibmel sadne gal i gullum goassege, ja likkotæbme læk dat olmuš gi dokko Šadda.

Loapatam dam have mu čallagam ollo vaimolaš dærvuođaiguim buok »Nuorttanaste« lokkedi.

Okta same nieidda.

### Naivuonast.

Mon aigom vuostas gérde gečealet čalestet min učča same blaðaši, jos dam bitta lœ vejolaš sisavalddet.

Dam čavča hei mist ordfører valga Kvæsundast. Mutto moft manai olbmukašak læk čalmetæmek nubbe bailest vaiko nubbe bælle vel soatage vuostai.

Mist Naivuongen hei dat jurdal atte oažžot dam stuora gavppe olbma K. Buck Kvæsundast erit nuftgo ordfører animatist. Mutto hr. Buck diti rađe; son manai motorain Jaksvuona birra, ja čalmetutti daid sabmelažaid, čokke aldesis stæmniaid, Gal dat dast oindu atte Jaksvuona samek čokkajek stuora sčevnjadasa siste, daggobokte. Gal dak stemmejegjek læk vissa gullam maggar stuora værro gæse hr. Buck Kvæsundast hei 1912 oudast. Visasi son dadi gæppedam Kvæsund ſuokana ollo dam rajest go son ordførarin čaddai. Ja sæmna væketan daid stemmejegje olbmuid burid julgid ala.

I dat læk vissasi nuft. Go son i maksam æmbo værro kommuni go formua værro Kr. 60,00 ja æra væro Kr. 30,00, gal dast ganati læk gavppe olbma værro. Ja dal stemmejegje vela nubbe gérde ordførarin, mi læk ſuokana stuoramus virgge.

Dal læket olbmuk bajedam dam

gavppeolbma gieddadædek ala čalmetis-vuodast. Jost dainalagin manna degal di bæsabetet maksit buorie væke oudast. Dat lœ hæpad daggar stuorra gavppeolbmai bœdnak værro makset Ja olbmuk daggara væketet.

M. M.

### Sisasaddijuvvum Naivuonast.

Oskaldas ja gukkes balvvalussa gæeld læk dat adlujuvvum »kgl. selskapet for Norges vel« Anna Marie Mosesdatter, mi læk balvvalam sameinis-tna Mons Monsen lutte 26 jage, silbbamedalja ja diplom dam 10 januar 1914.

Son læk vissasi dat vuostas mi Sameædnamest dam medalje læk ožžom.

M. M.

### Vikenest Lagesvuonast.

Aiddoš dam breeva mielde aigom saddet mongen ovta kruvnača oažžom varas dam min aidno ovta ueca aviseca; mutto dam čallim gaskast fuomasim, atte uecan daidda læk mudnji avkke dast, jos inon dam dealam Maird märkaš dat sadne? Juo dat märkaš aido dam, atte davja læk doaimatam poastas dam blaðe nu lagamuš granja guoktai, ja de lær bæssan lokkat ja oaidnet atte blaðde læk erinoamačet devddujuvvum Kristalaš čallagiguim, ja lokkek, guðek dollek dam, æi oažžo maidege dapatusaid ja æra hækkasid birra oaidnet. Igo læk dist »kristalaš vilbælek ja oarmælek« bibal, maina di øgjaneket dam boddoča go ærak bessek sagai čallet ja dapatusai mainastet — juokkehaš sim guovlosek birra. Ja maid olggoednam dapatusaid galggek dak diettet.

Hæittet dal ustebak čalle mest ja čagetuttemest dam ueca blaðača. Ja igo din mielast oro Ibmel sadne buorebun, go dego laibben borrabetet ja čaceen fast juokkabetet. Igo migjidi læk Ibmel sivdnedam vakkost čičcid bæive, sodnabæive, goas čalaoappavažak galggek doallat rokkadusai ja čoaggalmasai, vai čalmetomek ožžuk oaidnet ja bæljetæmek gullat. — Dastgo mon valdam ouddamærka dam blaðe sturrudagast, atte i dat stuores čiegas čikki, go dat galgga devddujuvvut kristalaš ča lagiguim, mak fast valddeks æra sagain saje. De ferttim hæittet dam have čalle mest ja bijam bursi fast dam ovta kruvna.

\*  
Mist i lifei gædnegasvuotta daggar brævaid sisavalddet, mutto dakkat dam dam have min ječamék buorrevuodast.

Red.

### Östertanen.

Hr. red. Ovla Andras!

Mudnji boči j r'dgi čallet vevaš oarbes manai birra, m davja vajaldattujuvvu dam bajasčuyggijuvvum mailmest.

Jos mi læk fulkek manaidi, ja daina jabmek vanhemak, dailhe dusse nubbe ja læska makka, naittal ærain ja bacca vela obmudak leski, de dat diettalas Šadda čallujuvvut arbbai ja vela formindarak occujuvvujek. De jørram mon »Nuorttanaste« lokkin! Galggapgo mi læk fulkek dai manaidi, læk duðavažak dasa, atte læk formindarak? Na mon dajam bælestam: Mon im aigo læk duðavaš. Go mon læk fuolkke, de mon aigom gæččalet daid manaid oudas gocet nuft, atte dat Šadda sigjidi avkken, go ječa ellek jierbme akkai. Dam ruttabitta mi sigjidi boatta berrep mi oažžot bankoi gost dat adda ræntöi ruoktot. Dalle bessek daggar manak oaidnet, atte sist maidai læmas vanhemak.

Oidnujvvu maidai datge, atte go læk guovte vanhem manak (namalassi moadde gærdaš naitusdilest), de sattek dat oudeb manaignum jos lœ uecan jierbme, mannat hæjot, mi gal hui davja dapaturvva. — Damdit Šadda dat jača lakai, go ruðak læk bankost, gost dak ožžuk sikke rænto ja ræntorænto. Gal dat ovta 40—50 jage sisa juo lassanek obba burist. — Dam satta juokkehaš jes rekenastet Mutto mi dast boatta go dak orrok vanhemid duokken. — Mi guðek dam bajasčuyggijuvvum mailmest ællep berrep maidai ædnet fuola ja oudast-morraš min hæjos ja umindeges fulkidæmek oudast, æpge dusse dasa duttat, atte mi ječa birgget. Maidai bibal dam duoðašta, atte naitusdilest riegadam manna læk vanhem arboldas. —

Dam have hæitam čalle mest savadedin ilolaš ja likkolas buristsivdne-duvvum oðða jage buok »Nuorttanaste« lokkedi gukken ja lakkal.

Oustadæno olmus.

**Samegiel bladde.**

Friamission jage girjes čuožžu: »Nuorttanaste« læ Sami aidno ucca bladæs — dat læ dat aidno samegiel bladde obba mailmest. Mon im dieđe liego dat aibas duotta. Gaddam atte Ruotarikast boatta ain olgus okta ucca samegiel bladæs, man namma læ »Lokkamus Samida.« Vai læžža go dat dal orostam.

»Nuorttanaste« læ diettalas buorre ješ sagjasis; mutto mist Samin gal gaši het æneb blađek. Mi læp dabe Norgast lagabuidi 20 duhat lokkui. Mendo uccan šadda lokkamus daidi, go i laek œmbo go dat ucca bladæs. Mist galgaši læt ucemusast okta stuoreb bladde, mi vuittal sagaid, ja oudandoalla maidai lundolas ašid.

Nuortta Sameædnames læ juo dam rajest go »Sagai Muittalægje« orusti, læmas arvvalus vuoddodet stuorab Samegiel bladde; mutto dam ragjai i læk dat arvvalus ouddnam dade gukkebuidi nuftgo mon dieđam. Mi Samek hek davja viššalet arvvaladdat; mutto mist læ bera uccan doaimalačvuotta. Manga aše nokkek dåsa duše arvvaladdamin. Mutto dat samegiel bladde børre boattet olgus Nuortta Sameædnames gost añaš oasse Samin assek.

A. L.

\*

Dademielde go mi læp gullam, de galgga makka dat Ruota Sami bladde orostam. Rektor Qvigstad dam diedaši buorninusat.

Red.

**„Nuorttanaste“ redaktora**

læ dam ragjai jottam Lagesvuonast, gost dam mañemuš aiggai læmas stuora moridusak, nainalassi Stuoravuona ja Igjaviuna bælte. Mannam bæssäci rajest (dabe algi moridus) læ ollo siełok (sikke nuorak ja boarasak) gavdnam bestujume, ja alggam vagjolet odda olmučen. Sikke čakčad, go Ovla Andras finai Lagesvuonast nuftgo maidai mañnel oddajage læ ollo siełok morranam, ja dam mañeb aige vel œmbo Lagesvuona olbmu gaskas

læ dal hærvæs aigge. Ibmel vækketif-či sin bissot dam armo siste, man sisä boattam.

Gosa redaktora dast manas manas i læk buorre diette. Ollo læ čuorvas jienak. Gačaldak læ, mi Ibmel datto. Gosa son laide, du vissa son manna.

Ibmel buristsivnedekus ain su bargol

**Alaska Sibmelas fuomas dam!**

Du fuolkke Tanast Nils M. Ander sen, Kvítne, jera Johannes Aslaksen addressa, gutte galgga assat Alaskast. Son vuordda bræva.

**Sameædnames**

læ dam mañeb aiggai læmas čabba dalkekek.

**Stuora streika**

læ dal bagjanæmen min œdnames, ja dat šadda væralas jos i dat i soppjuvvu fargamusat. Mutto dal barggu juvvu stuora famoin dam jaskodattet

**Ednegiella!**

Okta ædne i ožžom Samegiela sardnu su manaines go skuvla vieso lusa bodi. Oa patægje gildi dam garraset. Lægoson dat skuvlalaka vai mi?

**Norga ohmudak**

arvvaluvvu dal læt 1913 bagjanam 3,853,619,000 kr. daihe bagjanæbme 1,005,140,000 dam rajest go »selangivel se,« sisafievreduvvoi.

**Maidai Norgage**

nanosmatta soattevægas juokke lakai. Mañemuš arvvalus læ, atte gukkedet ekseserim aige.

**Vaivan nieiddamanna.**

Okta nieidda Kristiania i læmas 18 jakkai luovos juolge alde œmbog bælnub' jage. Son læ dam aige sisä politiast læmas bigjum 22 gærde rangastusvissoi. Mañemuš duobmo mi celkkujuvvui sudnji gieskad čuojai 3 jakkai.

Daggar šadda olmuš, go ječas adda suddo haldoi.

**Dronning Maud**

læ skenkkim 1900 kruvna teregbuocci dalkastoebmäi. Dak ruđak læk muttom oasse boattam dronninga juovllaalbum' ast; mi læ vuvddum.

Dat stuora streika mi gieskad læi uvsu oudast, læ dal vuolas bigjum ja buok læ fast nuftgo ouddal. Gal dat læk buorre.

**Læge varregis! delaisnir!**

Guokte mana læ gieskad sisabuolam Lysaker est, Æđie læi mannam ēierastaddat daina goalmad manain. Maidai biga buli sagga ja læk jaknam. Dolla bajasčuožželi daggobokte atte lampa læi fierralan manai lanjast. Læge dam damditi varrogas smavva manai guddemest oktonassil.

**Sorbmijuvvum jiegŋačaltost.**

Okta studenta Kristiania sorbmijuvvui daggobokte atte okta jiegŋačalttl gaččai ovta viesso dakest vuolas.

**Odda poastamæister Altai.**

Thoryval Mejdel læ naminatuvvum poastamæistere Altai.

**Ollo suollagak**

læ dam mañeb aige stajedam ja dakkam stuora valngid daili, geina si læk galvoid suoladam Kristiania. Dat orro čajetaeme, atte suollagak ja jera bahas mænok lassanek œmbo oaiv-gavpugest aige mielde.

**Diedetusak:****„Nuorttanaste“**

komissišonärik 1914 loek:

**Nils Svendsen, Veines,**  
**John Josefson Lerpol, Porsangen**  
**Per Isaksen, Neiden.**  
**Josef Persen, Kolvik.**  
**Sardnejotte O. Korsvik.**  
**Einar Persen Storfjord,**

**Loga dam!**

A. Larsen samegiel inuitalus girje „Bæivve-Alggo“ læ dal olgusboatam. Dam girjest læ 80 bæle ja maksä kr. 1,10, porto 5 øra.

Girje satta dingjuvvut mu bokte.

**A. Larsen,**  
**Repparfjord, Finnmarken.**

„Nuorttanaste“ calle, prenttejægje ja olgus adde læ Ole Andersen, Skjoldhavn.